


LIIX BEHIL RIQ'UIN LI KACUA' DIOS





© 2006, xban lix World Missionary Press, Inc., Retalil sa' li rix xban laj Edwin B Wallace. Li jun ch'ol chic sa' li páginas 10, 12, 14, 16, 27, 29, 39, 41, 42, 44, 46, 47, ut 48 xban laj Meryl Esenwein. The Scripture text used in this booklet is from the K'ekchi' Bible by the International Bible Society. Used with permission, originally published by IBS, © WBT 2000.

**Li Dios quiyiban re li ruchi- 1
ch'och' ut chixjunil li c'a'ak
re ru yo'yo**

**“Sa' xticlajic li Dios quixyib chak li
choxa ut li ruchich'och'.” –Génesis 1:1**

**“Sa' xc'aba' a'an, li Dios quixyo'ob-
tesi chixjunil li c'a'ak re ru cuan sa' cho-
xa, jo' ajcui' li cuan sa' ruchich'och'.”
–Colosenses 1:16a**

**“A' ta li nimajcual Dios li quiyiban re
li choxa ut li ruchich'och' chi-osobte-
sink ere. Li choxa a'an xna'aj li nimaj-
cual Dios xban nak aran cuan. Aba-
nan li ruchich'och' a'an quixq'ue re-
heb li cristian re te'cuank cui'.”
–Salmo 115:15,16**

**Li ruchich'och' tz'akal re ru nak li Dios
quixq'ue re li cuink. Tacuil li hu a'in re nak
tanau c'a'ru quic'ulman.**



“Ut quixye ajcui' li Dios: –Kayo'obtesihak li cuink jo' li kilobal lao. Ut a'an tacuank xcuanquil sa' xbeneb chixjunileb li xul li cuanqueb sa' ru-chich'och'.”

–Génesis 1:26a

Li cuḭnk quiq'uehe' xmusik' 3
li inc'a' na-oso'

“Li Kacua' Dios quixyib li cuḭnk. Quix-pac' riq'uin ch'och' ut quirapu sa' li ru'uj re nak tixq'ue lix musik'*. Ut cuan chic xyu'am li cuḭnk.”

–Génesis 2:7

“Li Kacua' Dios quixye nak inc'a' us tacuank li cuḭnk xjunes. – Tinq'ue junak rochben. Li Kacua' Dios quixcuartesi laj Adán. Nak sa xcuara laj Adán, li Dios quirisi jun xbakel, costilla xc'aba'. Ut quixtz'ap ru chi us lix tibel li bar quirisi cui' lix costilla. Li Kacua' Dios quixyib jun li ixk riq'uin li costilla li quirisi riq'uin li cuḭnk. Ut quixq'ue li ixk a'an chok' rochben li cuḭnk .”

–Génesis 2:18a, 21, 22

***Li musik' li inc'a' na-oso'” naraj naxye nak nacuan chi junelic.**

4 Laj Adán ut lix Eva que'xk'et li ratin li Dios



Inc'a' us rabinquil li c'a'ru naxye laj tza,
Satanás xc'aba'.

**“Li Kacua' Dios quixq'ue li cuink 5
sa' xna'aj li acuimk aran Edén re nak
a'an tailok re ut tixtrabaji li ch'och'.
Ut li Dios quixye re li cuink: –Naru
nacalou li ru chixjunil li che' li cuan.
Ca'aj cui' ru li che' li re xnaubal ru li
us ut li inc'a' us inc'a' naru nacalou,
xban nak sa' li cutan nak talou a'an
relic chi yal tatcamk, chan li Dios .”**

–Génesis 2:15-17

Li c'anti', a'an laj tza. Quixcuech' rix lix
cuanquil li Dios ut quitic'ti'ic.

**“Tojo'nak li c'anti' quixye re li ixk: –
Relic chi yal nak inc'a' texcamk. “Ut li
ixk quiril nak li ru li che' sa xloubal.
Ch'ina'us na-iloc ru li che'. Ut quixra
ru xloubal re nak cuank chic xna'leb.
Quixsic' ru li che'. Quixlou ut quixq'ue
ajcui' re lix belom. Ut chi xca'bicha-
leb que'xlou ru li che'.” –Génesis 3:4, 6**

6 Laj Adán ut lix Eva que'isic
sa' li chabil na'ajej. Inc'a'
chic naru que'cana aran



“Jo'can nak li Dios quirisiheb sa' li
na'ajej Edén ut quixq'ue chixtrabajin-
quil ru li ch'och' li quipaq'ue' cui'. Quix-
q'ueheb li querubines... sa' li oquebal
re li na'ajej re nak te'ril nak ma ani
...taoc cuan cui' li che' li naq'uehoc
junelic yu'am.”

—Génesis 3:23, 24

**C'ajo' li raylal te'xc'ul chixjunil 7
li te'cuank sa' ruchich'och'
xban li mac que'xbanu laj
Adán ut lix Eva**



**“... Yal xban jun chi cuink aj Adán
xc'aba' xticia li mac sa' ruchich'och'.
Ut xban li mac cuan li camc ut chixju-
nileb neque'cam....” –Romanos 5:12**

K'axal us xjulticanquil a'in

**Chixjunileb li cristian aj mac nak ne-
que'yo'la ut sa' jun li cutan telaje'camk
xban li mac. (Tacuil cui'chic li Romanos
5:12.)**

**8 Li Dios quixc'ub ru nak tix-
takla li ralal junaj chi ribil
chikacolbal chiru li mac**



**Re nak tachalk sa'
xyankeb li cristian,
tento nak quitz'ej-
cualo' li Dios jo' jun
li c'ula'al.**

**“Tacuank jun lix
c'ula'al ch'ina te-
lom. Ut Jesús ta-
q'ue chok' xc'aba'
xban nak a'an ta-
colok re lix tena-
mit sa' lix maqu
eb, chan.”**

—San Mateo 1:21

**“Nakanau nak chixjunil lix lok'al li
Dios ut lix cuanquil cuan riq'uin li
Cristo.”**

—Colosenses 2:9b

Li Jesús, A'an li Dios nak 9 quitz'ejcualo'

“Chalen chak sa' xticlajic li ruchi-
ch'och' ac cuan chak li Atin. Li Atin
cuan chak riq'uin li Dios ut a'an tz'a-
kal Dios. Li Atin, a'an li Cristo. Li
Jesucristo quitz'ejcualo' ut tz'akal
cuink nak quicuan arin sa' kayank.”

—San Juan 1:1, 14a

Chixjunil a'an quic'ulman re nak ta-
tz'aklok ru li quixye li Dios: Jun xka'al
toj maji' cuanjenak riq'uin cuink
tacuank lix c'ula'al ch'ina telom. Ut
Emanuel taq'uehek' chok' xc'aba'. Chi
jalbil ru Emanuel naraj naxye “Li Dios
cuan kiq'uin .” —San Mateo 1:22, 23

Jun li c'ula'al xyo'la chok' ke. Li C'a-
jolbej xq'uehe' ke xban li Dios. Ut sa'
ruk' a'an cuank li cuanquilal. Ut a'an
a'in li tixc'aba'in: aj banuhom sachba
ch'olej, aj q'uehol na'leb, li nimajcual
Dios, li Acuabej Dios chi junelic k'e
cutan ut aj q'uehol tuktuquil usilal.

—Isaías 9:6

**10 Li Jesucristo li mac'a' xmac
quixmayeja rib sa' kac'aba' lao.
Li Jesucristo tz'akal santo**

“... Ma jun sut quimacob...”

–2 Corintios 5:21



**“Li Cristo mac'a'
xmac.”**

–1 Pedro 2:22a

**Mac'a' junak (ma-
yej) li takaq'ue TZ'A-
KAL RE RU re risin-
quil li kamac.**

**“Lix quiq'uel li chibat ut li toro inc'a'
narisi li mac.”**

–Hebreos 10:4

**Li Jesucristo, A'an lix Carner li Dios.
“–Ilomak. Cue' chak li Cristo, li tak-
lanbil chak xban li Dios. Chanchan
jun li carner li tarisi lix maqueb li
cuanqueb sa' ruchich'och'.”**

–San Juan 1:29b

Li Jesucristo quixk'axtesi 11 rib chi camc re kacolbal lao

Li Jesucristo quicamsic chiru li cruz che' xban nak li inc'a' useb xna'leb xic' que'ril li Jesucristo. Abanan, jo'can quiraj li Dios. Li Jesucristo quixye: "... **Cuan incuanquil chixk'axtesinquil lin yu'am. Ut cuan ajcui' incuanquil chixc'ulbal cui'chic lin yu'am....**"

—San Juan 10:18

**Lok'bilo riq'uin lix lok'laj quiq'uel li
Jesucristo, lix Carner li Dios.**

"**Laex nequenau nak xban li Dios colbilex chic chiru li jo' majo'il na'leb li quilaje'xc'ut chak cheru le xe'tonil yucua'.... Colbilex ban riq'uin xlok'laj quiq'uel li Cristo. Li Cristo, a'an li quix-mayeja rib chiru li Dios Acuabej jo' jun li carner namayejac chi mac'a' rec' ut chi mac'a' xpaltil ."**

—1 Pedro 1:18, 19

Ma jun chic mayej naru narisi li kamac.

"**Li Jesucristo quixbanu li quiraj li Dios nak quixmayeja rib chiru li cruz."**

—Hebreos 10:10a

**12 Ut anakcuan tic chic li kach'ol chi-
ru li Dios xban xcamic li Jesuscristo.”**

—Romanos 5:9a

**“—At Kacua', chinjulticok' taxak acue
nak tat-oc sa' la nimajcual cuanquilal,
chan.”**

—San Lucas 23:42b



**“—Relic chi yal
tinye acue nak
hon ajcui' cuan-
kat cuiq'uin
sa' li Paraíso,
chan re.”**

—San Lucas 23:43

Li cujnk li cuan sa'
li tze li qui-elk'ac,
a'an quixpab li
Jesuscristo ut
quicole'.

Li cujnk a'in, li
inc'a' quixpab li
Jesús, inc'a'
quicole'.

**“Nocoxra xban nak toj aj maco chak
nak quicam li Cristo sa' kac'aba'.”**

—Romanos 5:8b

Chixjunileb li neque'- 13
paban re li Dios cuan
xyu'am chi junelic

“Li Dios c'ajo' nak quixraheb li
cuanqueb sa' ruchich'och' nak
quixq'ue li Ralal junaj
chi ribil re nak chixjuni-
leb li ani te'pabank re
inc'a' te'sachk. Ta-
cuank ban xyu'ameb
chi junelic.”

—San Juan 3:16

“Li Dios corisi rubel xcuanquil laj tza
ut coxk'axtesi rubel xcuanquil li C'a-
jolbej li k'axal raro xban li Dios. Li Ra-
lal li Dios quicam chiru li cruz re ka-
colbal* ut quixcuy quixsach li kamac.”

—Colosenses 1:13, 14

*Lok'bilo naraj naxye nak xoc'ame'
cui' chic sa' xyalal riq'uin li Dios.

14 “Xcuaclic cui' chic chi yo'yo
sa' xyankeb li camenak”



“Ut nak que'cuulac li ixk, li ángel quix-
ye reheb: –Mexxucuac laex. Lain nin-
nau nak yoquex chixsic'bal li Jesús li
quicam chiru cruz. Ma ani chic arin. Ac
xcuacli chi yo'yo jo' quixye ere Quim-
kex arin. Ilomak lix na'aj bar que'x-
q'ue cui' li Kacua'.” –San Mateo 28:5, 6

**Li Jesucristo quicuacli cui'- 15
chic chi yo'yo sa' xyankeb
li camenak**

**“Lain yo'yoquin. Lain quincam, aban
nan yo'yoquin chic chi junelic k'e cutan.
Lain cuan incuanquil sa' xben li camc.
Ut lain ajcui' yal cue sa' xben li na'ajej
li neque'xic cui' li camenak.”**

—Apocalipsis 1:18

**“Ut xban nak yo'yokin lain, yo'yokex
ajcui' laex.”**

—San Juan 14:19b

**“Nak xiu xiu cuanquin, cau inch'ol
acuiq'uin. Ninnau nak laat tattenk'ank
cue .”**

—Salmo 56:3


(Tacuil li página 46. Aran tacuil li yechi'inbil
ke xban li Dios.)

**Li Jesucristo naru tacolok acue ut a'an
ajcui' yo chi tijoc chacuix**

**“Aban li Kacua' Jesucristo, a'an chic li
tz'akal laj tij. Li Jesucristo a'an tz'akal
tacolok reheb chixjunileb li neque'paban
re li Dios sa' xc'aba' a'an. Li Jesucristo
yo'yo chi junelic ut naatinac chirixeb chi-
ru li Dios.”**

—Hebreos 7:24a, 25

16 **Laat ut lain naru tacuank
li kayu'am chi junelic**



***¿C'a'ru li be li yocat chixc'ambal
LAAT?***

Riq'uin xpabanquil li Cristo, tatau XBEHIL Li YU'AM Chi Junelic riq'uin li Dios.

Laj tza, a'an li naq'uehoc re li CAMC chi junelic.

Li al a'in quixsic' ru li k'axal chabil. Ouixsic' ru li yu'am chi junelic.

¿C'a'ru li tasic' laat? 17

“...Sic'omak ani tec'anjela ru...”
—Josué 24:15

**“Sic'omak ru li yu'am re nak yo'yo-
kex ut yo'yokeb ajcui' le ralal ec'a-
jol.”** —Deuteronomio 30:19b

**Li Jesús, A'an li naq'uehoc re li
junelic yu'am**

**“Ut ma ani chic aj iq'uin taruk ta-
katau kacolbal, xban nak mac'a' chic
junak c'aba'ej sa' chixjunil li ruchi-
ch'och' q'uebil ta ke re taruk toco-
lek' cui', chan laj Pedro.”**

—Hechos 4:12

**“Ca'aj cui' lain li nimajcual Dios.
Ca'aj cui' lain nincoloc.”**


—Isaías 43:11

**18 ¿C'a'ut nak tento takasic'
ru li Cristo cui nakaj li
junelic yu'am?**

1. Li Jesucristo, a'an li quic'ulun.

“...Lain xinchal re nak tacuank eyu'-
am chi tz'akal...” – San Juan 10:10

**2. Li Jesucristo, A'an li quirahoc
ke ut quiq'uehoc ke li kayu'am chi
junelic.**



“Jesucristo li Ralal
li Dios li quirahoc
cue ut quixk'axtesi
rib chi camc sa' in-
c'aba'.”

–Gálatas 2:20b

Li Jesucristo quitz'ej-
cualo; ut cuan xtibel,
xbakel, ut cuan ajcui'
xquiq'uel jo' lao, “**Riq'uin lix camic, li Ka-**

**cua' Jesuscristo quixsach xcuan- 19
quil laj tza, xban nak sa' xc'aba' laj
tza nak cuan li camc. Chalen chak
sa' kayo'lajic, nakaxucua ru li camc.
Aban riq'uin lix camic li Kacua' Je-
sucristo quirisi li kaxiu chiru li camc.”**

–Hebreos 2:14b, 15

3. Ca'aj cui xquiq'uel li Jesucristo naru narisi li kamac.

**“...Lain xinye nak temayeja li quic'
chiru li artal re xtojb^{al} rix le mac....”**


–Levítico 17:11

**“Ut lix quiq'uel li Jesucristo li Ralal
li Dios naxch'ajobresi li kam ut narisi
chixjunil li kamac.”**

–1 Juan 1:7b

**“Li Ralal li Dios quicam chiru li cruz
re kacolbal ut quixcuy quixsach li ka-
mac.”**

–Colosenses 1:14



4. *Li Jesucristo, a'an li quicuacli cui'chic chi yo'yo sa' xyankeb li camenak.*

“Lao nakanau nak li Jesucristo quicuacli cui'chic chi yo'yo sa' xyankeb li camenak. Li

Cristo inc'a' chic tacamk xban nak mac'a' chic xcuanquil li camc sa' xben.”

—Romanos 6:9

“Quicam sa' kac'aba' chikajunilo lao re nak inc'a' yo'yoko yal chi jo'can chixbanunquil li c'a'ru nakaj kajunes kib. Yo'yoko ban re nak takabanu li c'a'ru naraj li Cristo li quicam ut quicuacli cui'chic chi yo'yo sa' kac'aba' lao.”

—2 Corintios 5:15

Li Jesús quixye: “Ut xban nak yo'yokin lain, yo'yokex ajcui' laex.”

—San Juan 14:19b

5. Tento nak li Santil Musik'ej 21
***tacuank* kiq'uin cui tocuaclik cui'**
***chic* chi yo'yo ut *tacuank* li ka-**
***yu'am* chi junelic.**

“Cristo cuan eriq'uin ut sa' xc'aba'
a'an textz'akonk riq'uin lix nimal xlok'al
li Dios.”
–Colosenses 1:27b

“Li Santil Musik'ej, a'an li quicuacle-
sin cui'chic re chi yo'yo li Cristo sa'
xyankeb li camenak. Cui li Santil Mu-
sik'ej quicuaclesin re li Cristo, a'an
ajcui' tacuaclesink re le tz'ejcual chi
yo'yo re li junelic yu'am xban nak li
Santil Musik'ej cuan eriq'uin.”

–Romanos 8:11

Tento nak taq'ue retal chi us nak li
Santil Musik'ej cuan acuiq'uin

“Li ani mac'a' li Santil Musik'ej riq'uin,
a'an macua' re li Cristo.”

–Romanos 8:9b

22 Li Jesucristo naxraheb chix- junileb li coc'al



**“Ut li Jesús quixk'aluheb li coc'al,
quixq'ue li ruk' sa' xbeneb, ut quiro-
sobtesiheb.”** —San Marcos 10:16

“Ninnau nak li Jesucristo niqunixra
xban nak tz'ibanbil chi jo'can sa' li Santil
Hu.”

**“Ut li Jesús quixbokeb lix tzo- 23
lom riq'uin ut quixye reheb: –Canab-
omakeb li coc'al chi chalc cuiq'uin.
Meram chiruheb xban nak reheb
a'an lix nimajcual cuanquilal li
Dios.”** –San Lucas 18:16

**“Jo'can ajcui' le Yucua' cuan sa'
choxa inc'a' naraj nak tasachk junak
reheb li toj k'uneb xch'ol sa' lix pa-
bal.”** –San Mateo 18:14

Yalak anihat ut yalak bar cuancat, li
Jesucristo nacatxra ut quicam re acol-
bal. Li Jesucristo naraj nak laat tatra-
hok re A'an. Riq'uin xpabanquil li ratin,
naru tac'ut chiru nak nacara.

**“Cui niquinera, chebanuhak jo' xex-
inchak'rabi cui'.”** –San Juan 14:15

**“Usta toj saj junak abanan nac'utun
chanru lix na'leb riq'uin lix yehom
xbanuhom.”** –Proverbios 20:11

24 Chanru nak tatau li Dios

1. *Taq'ue retal nak laat aj mac ut tach'olob xyalal a'an.*

“Chixjunileb xe'macob ut inc'a' neque'xc'ul li lok'al li naxq'ue li Dios.”

—Romanos 3:23

2. *Quim riq'uin li Dios riq'uin xpa-banquil li Cristo.*

“Ut li yal, a'an a'in: nak jun ajcui' li Dios cuan ut jun ajcui' li na-oquen ut naatinac chikix chiru li Dios. A'an li Kacua' Jesucristo li quitz'ejcualo' nak quic'ulun sa' ruchich'och'.”

—1 Timoteo 2:5

“Li Jesucristo a'an tz'akal tacolok reheb chixjunileb li neque'paban re li Dios sa' xc'aba' a'an.” —Hebreos 7:25a

Li Jesús quixye: “Ut li ani napaban cue, lain inc'a' tintz'ektana.”

—San Juan 6:37b

3. Yot' ach'ol ut canab macobc. 25

“Jo'can ut nak
yot'omak ech'ol ut
jalomak ec'a'ux ut
sic'omak li
Kacua' re nak
a'an tixcuy
tixsach le mac.”

—Hecho 3:19a



“Cui nakaxoto li
kamac chiru li
Dios, relic chi yal
nak a'an tic xch'ol
chixcuybal chix-
sachbal li kamac.”

— 1 Juan 1:9a

“... Li Jesu-
cristo ... toj
maji' nac'ulun
xban nak nim lix
cuyum eriq'uin.

Inc'a' naraj nak tasachk junak. Naraj
ban nak te'yot'ek' xch'ol ut te'xjal
xc'a'ux.”

—2 Pedro 3:9b

4. Xoto la mac chiru li Kacua'.


26 Tz'iba li rakal 1 Juan 1:9 jo' chanru tz'ibanbil chiru li uk'ej sa' li página 25.

5. *Canabomak macobc.*

“Li ani naxmuk lix mac, inc'a' us ta-elk. Abanan li ani tixpatz' xcuybal xmac ut tixcanab xbanunquil li mausilal, tauxtanak ru.” –Proverbios 28:13

“Canabomak xbanunquil li inc'a' us. Chebanuhak ban li us.”

–Salmo 37:27a



6. Pab li Kacua' 27 Jesucristo.

“Cui riq'uin xtz'umal
acue tach'olob xyalal
nak li Jesús a'an li
Cristo li Ralal li Dios,
ut cui tapab chi an-
chal ach'ol nak li
Dios quicuaclesin
cui'chic re chi yo'yo
sa' xyankeb li came-
nak, tatcolek'.”

—Romanos 10:9

“Yal nak xepab li Jesucristo ut colbi-
lex chic. Abanan yal xban rusilal li Dios
nak colbilex.... Yal ematan ban xban li
Dios. Ma ani chixnimobresi rib xban nak
macua' xban eyehom ebanuhom nak
colbilex.”

—Efesios 2:8, 9

“Pab li Kacua' Jesucristo. Tatcolek' la-
at jo'queb ajcui' li cuanqueb sa' la cuo-
choch, chan laj Pablo.” —Hechos 16:31b

28 7. Chac'ul li Kacua' Jesucristo sa' la yu'am chi anchal ach'ol.

Ca'aj cui' *laat* naru *tabok* li Jesucristo chi cuanc *acuiq'uin*. Li Jesús quixye:

“Chanchan nak cuanquin chire li oquebal nak yoquin chebokbal. Li ani taabink re li cuatin ut tinixpab, lain tincuank riq'uin ut tocuank chi sum atin.”

—Apocalipsis 3:20

“Abanan chixjuni-
leb li que'c'uluc re ut
que'paban re nak
a'an taklanbil chak
xban li Dios, a'aneb
li quixc'uleb chok'
ralal xc'ajol li Dios.

—San Juan 1:12



Jun li Tijoc chok' Acue 29

Cui inc'a' xattijoc junxil ut nacacuec'a
nak tenk'ac nacacuj, naru tattijok ut taye
li tz'ibanbil arin tak'a:



At Kacua' Jesucristo,
Bantiox acue nak
catcam chiru li cruz
re xtojbal rix lin mac.
Nayot'e' inch'ol xban
chixjunil li mausilal
li xinbanu. Nintz'a-
ma chacuu nak ta-
cuy tasach lin mac
ut chatcu ank cui-
q'uin chi junelic.
Ninpab nak laat tat-
ac'obresi lin yu'am.
Ninpab ajcui' nak
laat tz'akal aj Colol
cue. Nacuj nak laat
tattaklank chic sa'
inben. Nintz'ama
a'in sa' xc'aba' li Kacua' Jesucristo.
Jo'can taxak. Amén.

a'in sa' xc'aba' li Kacua' Jesucristo.

Jo'can taxak. Amén.

**30 Cui li Cristo cuan acuiq'uin,
ut xapab nak a'an aj colol acue,
cuan la yu'am chi junelic**

**“Li Dios quixq'ue ke li yu'am chi
junelic. Ut li yu'am a'in natauman
riq'uin li Ralal. Yalak ani napaban re
li Ralal li Dios, a'an cuan xyu'am chi
junelic.”**

–1 Juan 5:11b, 12a

**“Relic chi yal ninye ere nak li ani
na-abin re li c'a'ru ninye ut naxpab li
Dios li quitaklan chak cue, li jun a'an
cuan xyu'am chi junelic.... Teneban-
bil li camc sa xben. Cuank ban chic
xyu'am chi junelic.”**

–San Juan 5:24


Nak nacatcam, tak'ak taosok' la tibei,
abanan laat cuancat chic riq'uin li Dios. (2
Corintios 5:8). **“Nak li Cristo cuan eri-
q'uin ut sa' xc'aba' a'an textz'akonk
riq'uin lix nimal xlok'al li Dios.”**

–Colosenses 1:27b

Cui xaxoto la mac chiru li Dios, ut xapatz' la
cuybal chiru ut nacapab nak li Jesucristo,
A'an aj Colol acue, tatz'iba la c'aba' arin:

Chanru nak tatake li Jesucristo.

31



Chacuil la Santil Hu chi cuulaj cuulaj. Ta-
sic' ru li versículos li mas tatenk'ank acue
ut tatzol chi us re nak taçanak sa' ach'ol.

**“Chixjunil li tz'ibanbil sa' li Santil Hu,
a'an musik'anbil xban li Dios ut nac'an-
jelac re xc'utbal chiku lix yalal. Nac'an-
jelac re kak'usbal ut re xq'uebal kana'leb
ut naxc'ut chiku chanru nak tocuank
sa' tiquilal [li c'a'ru nacapab].”**

–2 Timoteo 3:16

**32 Tatatinak riq'uin li Jesu-
cristo yalak jok'e. Li tijoc, a'an
li atinac riq'uin li Jesús.**

Tabantioxi chiru li Jesucristo chixjunil li c'a'ak re ru chabil. **Tabantioxi chiru** chixjunil li usilal li xbanu acue. **Tabantioxi chiru nak A'an xcoloc acue**. **Tatz'ama** chiru nak a'an tatenk'ank acue. Tattijok sa' xc'aba' li Jesucristo.

“Nakanau nak li c'a'ak re ru nakatz'ama re, cui nakatz'ama jo' naraj li Dios, a'an nocorabi.” –1 Juan 5:14b

“Tinye ere nak chixjunil li tetz'ama chiru lin Yucua' sa' inc'aba' lain, a'an tixq'ue ere .” –San Juan 16:23b

“... Chextijok cheribil erib ...”

–Santiago 5:16

“Chebanuhak li us reheb li xic' neque'iloc ere ut chextijok chirix li neque'banun mausilal ere ut neque'rahobtesin ere.” –San Mateo 5:44b

Jun li tij li quixc'ut li Jesús 33 chiruheb lix tzolom

(Jun lix tzolom li Jesús, a'an li nataken re.)

Li Jesús quixye reheb lix tzolom nak te-tijok chi jo'ca'in:

“ At Kacua' , cuancat sa' li santil choxa, lok'oninbilak taxak la santil c'aba'. Chichalk ta la nimajcual cuanquilal. Chi-uxk ta li nacacuaj, jo' sa' choxa jo' ajcui' sa' ruchich'och'. Chaq'ue taxak ke li kacua kuc'a chi cuulaj cuulaj. Ut chacuy chasach ta li kamac jo' nak nakacuyeb xmac li neque'macob chiku. Ut moaq'ue taxak chi alec. Choacol ban chiru li inc'a' us. Acue li nimajcual cuanquil, li lok'onic ut li lok'al chi junelic k'e cutan. Jo'can taxak.”

—San Mateo 6:9b-13

Tatzol li tijoc a'in toj nak tacanak sa' ach'ol. Eb laj pabanel neque'tijoc chi jo'can rajlal.

**34 Li lajeb chi chak'rab li quix-
q'ue li Dios neque'xc'ut chiku
chanru nak tocuank sa' li kayu'am.**

(Li Hu Exodo, Junmay xch'ol)

***Li xben cahib chi chak'rab, a'an chirix
chanru nak takara li Dios .***

**1. “Inc'a' naru nacuan jalanil dios
eriq'uin chicuu lain.”**

**2. “Meyib epech'bil dios chi moco
xjalam uch ta li cuan sa' choxa, chi
moco li cuan sa' ruchich'och'... Me-
cuik'ib erib chiruheb li yibanbil dios,
chi moco chelok'oniheb.”**

**3. “Mepatz' xc'aba' li Kacua' le Dios
sa' yo'obanbil atin.”**

**4. “Julticak ere li hilobal cutan re
nak oxlok'inbilak cheru.”**

***Li cuakib chic, a'an chirix chanru nak
takara li kech cristianil.***

5. “Che-oxok'i le na' eyucua' ...”
6. “Mecamsi eras eritz'in.”
7. “Mexmuxuc caxar” (Li muxuc caxar, a'an nak li belomej malaj li ixakilbej tixsic' jalan xsum atin.)
8. “Mex-elk'ac.”
9. “Mexyo'oban atin chirix le ras eritz'in.”
10. “Mera ru rochoch le ras eritz'in. ... Mac'a' c'a' chic re ru re le ras eritz'in tera ru.”

Cui nakapab li Kacua' ut nakabanu li c'a'ru naraj, li Dios tixsume li katij.

“Ut yalak c'a'ru takatz'ama chiru, tixq'ue ke xban nak yoco chixpabanquil lix chak'rab ut nakabanu li c'a'ru naculac chiru li Dios.”

36 **li Cuib chi Chak'rab li K'axal Nim Xcuanquil**

Tara li Kacua' la Dios chi anchal ach'ol

1. “Li Jesús quichak'oc ut quixye re: –Li chak'rab li k'axal nim xcuanquil, a'an a'in: Tara li Kacua' la Dios chi anchal ach'ol ut chi anchal la cuam ut chi anchal la c'a'ux. A'an a'in li xben chak'rab, li k'axal nim xcuanquil sa' xyankeb chixjunil.”

– San Mateo 22:37, 38

Tara la cuas acuitz'in jo' nak nacara acuib laat

2. “Ut li xcab, chanchan ajcui' a'in: Tara la cuas acuitz'in jo' nak nacara acuib laat.”

–San Mateo 22:39



Chixjunil li lajeb chi chak'rab natauman sa' li cuib chi chak'rab li k'axal nim xcuanquil sa' li páginas 34 ut 35.

Li rahoc, a'an li k'axal nim 37 xcuanquil chiru chixjunil

“Li Capítulo k'axal nim xcuanquil
chirix li rahoc”

(1 Corintios 13:1-8, 13)

¹Cui ta lain q'uebil inmatan xban li Dios chi atinac sa' ratinobaleb li cuink ut cui ta cuan inmatan chi atinac sa' ratinobaleb li ángel, abanan cui inc'a' ninraheb li cuas cuitz'in, lain chanchanin li ch'ich' natambac xyab ut chanchanin li campana natzintzot xyab chi mac'a' rajbal. ²Ut cui ta q'uebil inmatan xban li Dios chixyebal li naxc'ut chicuu, ut cui ta ninnau chixjunil li c'a'ak re ru ut cui ta nintau ru lix yalal, abanan cui inc'a' ninraheb li cuas cuitz'in mac'a' nin-oc cui'. Ut cui ta cuan tz'a-kal inpabal re nak tajalek' xna'aj junak li tzul, abanan cui inc'a' ninraheb li cuas cuitz'in, mac'a' nin-oc cui'. ³Cui ta tinsi chixjunil li c'a'ru cuan cue re tinq'ueheb chi cua'ac li neba' ut cui ta tink'axtesi cuib chi c'atec' xban lin pabal, ut cui inc'a' ninraheb li cuas cuitz'in, mac'a' na-

38 oc cui' li ninbanu. ⁴Li ani narahoc, naxcuy li raylal ut k'axal chabil. Li ani narahoc inc'a' nacakalin, inc'a' naxnimobresi rib ut inc'a' naxk'etk'eti rib. ⁵Li ani narahoc inc'a' nahoboc. Inc'a' naxsic' xchabilal xjunes rib. Li ani narahoc inc'a' najosk'o' ut inc'a' naxq'ue sa' xch'ol li c'a'ru naxc'ul. ⁶Li ani narahoc inc'a' nasaho' xch'ol nak eb li ras ritz'in neque'xbanu li inc'a' us. Nasaho' ban xch'ol nak cuanqueb sa' xyalal. ⁷Li ani narahoc inc'a' naraho' xch'ol xban li c'a'ru na-ux re xbaneb li ras ritz'in. Junelic ban cau xch'ol chirixeb. Li ani narahoc inc'a' nach'inan xch'ol. Naxcuy ban xnumsinquil chixjunil li raylal. ⁸Li rahoc tacuank chi junelic.

¹³Jo'can nak li pabal, li yo'oninc ut li rahoc cuank chi junelic. Abanan li k'axal nim xcuanquil sa' xyankeb li oxib a'in, a'an li rahoc.

Li Dios narahoc

“Li rahoc nachal riq'uin li Dios. Li ani narahoc, a'an cuan riq'uin li Dios ut li Dios cuan riq'uin a'an.” —1 Juan 4:16b

**Li Jesús naraj nak tach'olob 39
xyalal chiruheb la cuas acuitz'in**

(sa' la cuochoch, sa' li escuel, sa' li iglesia, yalak bar)



Li Jesús quixye: – **Ayu sa' la cuochoch ut taserak'i reheb la cuech'alal li usilal xinbanu acue. Taye reheb chanru nak xcuuxtana acuu, chanre li cuink.**

–San Marcos 5:19b

40 Chanru xnaubal aniheb li tz'akal ralal xc'ajol li Dios

“Cui tera erib cheribil erib, chixjunileb te'xnau nak laex intzolom, chan li Jesús.”

–San Juan 13:35

“Abanan li c'a'ru naxq'ue li Santil Musi-k'ej sa' li kayu'am, a'an li rahoc, sahil ch'o-lejil, tukuquil usilal, cuyuc, chabilal, usilal, tiquil ch'olej, tulanil ut cuyuc ib.”

–Gálatas 5:22, 23a

Li tz'akal ralal xc'ajol li Dios neque'xcuy xmaqueb li ras ritz'in

“Cui nequecuy xmaqueb le ras erit'in, tixcuy ajcui' emac laex le Yucua' cuan sa' choxa.”

–San Mateo 6:14

Cuukub chi na'leb li xic' naril li Dios

“Li ani naxnimobresi rib ut li ani natic'ti'ic, ut li ani naxcamsi ras ritz'in chi mac'a' xmac, li ani naxc'oxla chanru nak tixbanu li mausilal, ut li ani nacuulac chiru xbanuquil li inc'a' us, li ani nak'aban ut li ani nayo'oban pletic sa' xyankeb li ras ritz'in .”

–Proverbios 6:17-19

**Li c'a'ru nakaj xbanunquil 41
xban li kanajter na'leb**

**“... Muxuc caxar, co'betac yumbetac
lok'oninc yibanil dios, tulac, xiq'uil uc-
hinc... socuenc, camsinc ras ritz'in, ca-
lac... li neque'banun re li c'a'ak re ru a'in
inc'a' te'rechani lix nimajcual cuanquihal li
Dios.”** —Gálatas 5:19-21

**“... Chi moco li cuink li neque'ma-
cob riq'uineb li rech cuinkilal... chi
moco laj' elk'... chi moco li neque'rahi ru
li biomal.”** —1 Corintios 6:9,10

**Tacanab acuib rubel rok ruk' li
Jesucristo re nak tarisi la mac ut li
Santil Musik'ej tacuank acuiquuin**

**“Santobresinbileb chic ut ticobre-
sinbileb chic lix ch'ol sa' xc'aba' li
Kacua' Jesucristo ut xban li Santil
Musik'ej.”** — 1 Corintios 6:11b

42 Li xbalba, a'an jun tz'akal na'ajej

(Tacuil li San Lucas, cuaklaju xch'ol,
belelaju toj sa' li cuakib xca'c'al rakal.)



Chapab li Jesucristo ut A'an tixtz'iba la
c'aba' sa' li hu li tz'ibanbil cui' xc'aba'eb li
cuanqueb xyu'am chi junelic.

“Ut li ani inc'a' quita'e' xc'aba'eb sa'
li hu li tz'ibanbil cui' xc'aba'eb li cuan-
queb xyu'am chi junelic, a'aneb li que-
cute' sa' li xam li chanchan palau.”

—Apocalipsis 20:15

Ca'aj riq'uin xpabanquil li 43
Jesucristo naru tatau li Dios

“Li Dios quixq'ue ke li yu'am chi junelic. Ut li yu'am a'in natauman riq'uin li Ralal.”
–1 Juan 5:11b

“Lix tojbal rix li mac, a'an li camc. Aban li matan naxq'ue ke li Dios, a'an li junelic yu'am sa' xc'aba' li Kacua' Jesucristo laj Colol ke.”
–Romanos 6:23

“Li ani napaban re li C'ajolbej cuan xyu'am chi junelic. Ut li ani inc'a' napaban re li C'ajolbej inc'a' tacuank xyu'am chi junelic. Cuan ban li tojba mac sa' xben, chan laj Juan.”
–San Juan 3:36

“Li Jesús quixye re: –Lain aj c'amol be cheru. Lain ninch'olob lix yalal li Dios ut lain ninq'uehoc junelic yu'am. Ma ani taruk taoc riq'uin lin Yucua' cui inc'a' tinixpab lain.”
–San Juan 14:6

44 Li choxa, a'an jun tz'akal na'ajej

Sa' li Hu Apocalipsis sa' li jun xca'c'al xch'ol naxye nak sa' visión laj Juan quiril li Ac' Choxa ut li Ac' ruchich'och'.

“Mac'a'ak chic rahil ch'olej. Mac'a'ak chic li camc chi moco li yabac chi moco li yot'ec', chi moco li raylal xban nak chixjunil li c'a'ak re ru a'an, ac xelaje'nume'. –Li c'ojc'o sa' li c'ojaribal quixye: –Lain tinac'obresi chixjunil li c'a'ak re ru.–”

–Apocalipsis 21:4, 5a



Laj Juan quiril li Santil Tenamit, li Ac' Jerusalén nak yo chak chi cubec sa' choxa riq'uin li Dios. **“Li tenamit yibanbil riq'uin tz'akal oro. Nalem tz'un. Chanchan lem. Li pec li**

qui-oc chok' xcimiento li tenamit cuan xsahob ru yibanbil riq'uin q'uila pay ru chi tertuquil pec.

–Apocalipsis 21:18b, 19a

**Li Jesús xco chixcauresin- 45
quil jun li na'ajej reheb chix-
junileb li neque'paban re a'an**

**“Misach ech'ol chi c'oxlac. Chepab li
Dios ut chinepab ajcui' lain. Sa' ro-
choch lin Yucua' na'bal li na'ajej cuan.
Cui ta mac'a' li na'ajej, ac xinye raj
ere. Lain xic cue chixcauresinquil
ena'aj. Nak ac xyalo' le na'aj, tinchalk
cui'chic ut texinc'am cuiq'uin re nak
bar cuankin lain, aran ajcui' cuankex
laex.”**

–San Juan 14:1-3

**Taye li chabil resilal a'in reheb la
cuas acuitz'in**

**Li Jesús quixye: “– Texxic sa' chixjunil
li ruchich'och' ut tech'olob xyalal li
colba-ib chiruheb chixjunileb li tena-
mit jun sut rubel choxa.”**

– San Marcos 16:15b

**“Li ani cuan xna'leb naxch'olob xya-
lal re nak jalaneb chic te'xtau li june-
lic yu'am.”**

–Proverbios 11:30b

Li yechi'inbil reheb li ralal xc'ajol li Dios

“Junelic tatintenk'a, ut ma jok'e tatin-
canab ajunes.”
—Hebreos 13:5b

“Li Dios tixtaklaheb li ángel
chacolbal. Eb a'an te'iloc
acue yalak bar tatxic.”

—Salmos 91:11

“Lin Yucua'... a'an li
quik'axtesin reheb sa'
cuuk'. Ma ani naru
tamak'ok reheb
chiru a'an.”

—San Juan 10:29a

“Lain cuankin eriq'uin
chixjunil li cutan chalen toj sa' roso'jic
li ruchich'och'.— Jo'can taxak.”

—San Mateo 28:20b

“Mexxucuac xban li raylal li tachalk
sa' eben.... Chanchan nak tinq'ue le
corona nak tinq'ue le yu'am chi june-
lic.”

—Apocalipsis 2:10

“—Chatz'ama atenk'anquil cue ut lain
tatinsume.”

—Jeremías 33:3a



Li Kacua' Jesucristo tol-elk 47 cui'chic

Chixjunileb li camenak te'cuaclik cui'chic chi yo'yo sa' xyankeb li camenak.

“Tacuulak xk'ehil nak chixjunileb li camenak te'rabi li c'a'ru tnye. Li que'x-banu li us te'cuaclik cui'chic ut te'-cuank xy'am chi junelic. Ut eb li que'x-banu li inc'a' us te'cuaclik ajcui' re te'-taklak sa' li tojba mac.”

—San Juan 5:28b, 29

Eb li que'paban re li Jesucristo, a'aneb li xben li te'cuaclik cui'chic chi yo'yo.

“Aca' chic lao li toj yo'yoko tosapuk takec' sa' li chok kochbenakeb a'an re xc'ulbal li Kacua' Jesucristo sa' ik'. Ut cuanko junelic riq'uin li Kacua' Jesu-cristo .”

—1 Tesalonicenses 4:17

“Chexyo'lek ut chextijok xban nak inc'a' nequenau jok'e tacuulak xk'ehil inc'ulunic.”

—San Marcos 13:33b

48 ¿Chanru nak tol-elk cui'chic li Jesucristo?



“Q'uehomak retal. A'an tachalk chak sa' li chok ut chixjunileb te'ilok re.”

—Apocalipsis 1:7a

Chebanu cuent riq'ueineb laj balak' li neque'xye nak a'an li Cristo.

Jo'can nak cui ani taye-hok ere, “Cue' li Cristo,” malaj, “le' cuan li Cristo,” mepab li c'a'ru tixye. Cui ut neque'xye ere, “Le' sa' li chaki ch'och' cuan li Cristo,” mexxic chirilbal. Cui ut neque'xye ere, “Arin cuan sa' cab,” mepab li c'a'ru te'xye.

—San Mateo 24:23, 26

Nak tachalk cui'chi li Jesucristo, tachalk sa' junpat sa' li chok sa' li choxa

“Ut te'yot'ek' ut te'yabak chixjunileb li cuanqueb sa' ruchich'och'... ut te'ril cuu lain li C'ajolbej nak yokin chak chi chalc sa' li chok riq'uin lix nimal incuanquil ut inlok'al.” —San Mateo 24:30b

Lix Salmo laj ilol xul

(Salmo 23)

¹Li Kacua' Dios, a'an li nac'ac'alen cue; mac'a' tapaltok cue. ²A'an naxq'ue chixjunil li c'a'ru nacuaj jo' jun li pastor naril chi us lix carner. Naxc'am lix carner sa' li na'ajej bar cuan cui' li chabil pach'aya' ut naxq'ueheb chi hilanc. Chire li tuktuquil ha' naxq'ueheb chi uc'ac. ³Li Kacua' Dios, a'an tixc'ojob inch'ol. Tinixberesi sa' li be re tiquil ch'olej sa' xc'aba' lix rahom.

⁴Usta chanchan nak yoquin chi numec' sa' jun na'ajej k'ojyin ut k'axal xiu xiu xban li raylal li yok chi chalc sa' inben, lain inc'a' tinxucuak xban nak laat cuankat cuiq'uin. Laat taq'ue xcacuil inch'ol jo' nak li pastor naxcoleb lix carner riq'uin lix bar ut lix xuk'. ⁵Niquinaq'ue chi cua'ac chiruheb li xic' neque'iloc cue. Nacaq'ue li sununquil ban sa' lin jolom. K'axal numtajenak xsahil inch'ol nacaq'ue. Chanchan nak yoq chi hoyec' lin sec' xban xnujenakil.

⁶Relic chi yal nak li rusilal ut li ruxtan li Kacua' tacuank cuiq'uin chixjunil li cutan chalen toj sa' lin camic. Ut sa' rochoch li Kacua' Dios tincuank chi junelic k'e cutan.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA

Macua' re c'ay li hu a'in



Read booklets online or by App
www.wmp-readonline.org